



sin von myr und hatte daz gedan darumb daz uwir handel und der mynre zcu der lufft komen und offenbar werden moichten, und daz vur deme ee ir mich macht odir gewalt hoeren odir sehen habt lassen, do inne ir gemechtigt und gemompart syt mynre hern von Sachssen czu eren und recht zcuverpflichten und zcuverbynden. Doch wie deme allem sie, ir sult vurwar wissen, daz ich yeman wer, der were dez rechten nyt gerne weigern ensulde umb eynche sachen, die dan lentlich, gewonlich odir mogelich zcu berichten weren odir anzustellen geboiren sulden. Dan ich bin itzunt, als ich anderns nyt enweis, dan Jorge von Bebenburgs brudir, helffir ghen die stede und han yme und siner parthien uff sy helfen schedigen [mit raube, brande, ouch villicht doitslege, von dem ich yn zcu dinst gefoirt hatte, on yren schaden; doch off ich darumb und dez glichen, daz sich in veden und mit eren ergangen hette, von ymant zcu deme rechten vurgefordert wurde, enis in desen landen lentlich, gewonlich noch mogelich anzustellen, dan as sulchs besonnen wirt, engebur keyne nachforderunge darumb desir lantwise, als verreich daz han sehen ubin; aber umb allez daz yemant, so wer der weir, mich bis her zcu der eren vurgefordert hait, enhan ich nyemant gewegert und wulde daz ouch noch noede don, also daz mir dez glichen widdergeschee. Ir schribent und biddent mir vort, mit uch zcu pladeren<sup>a)</sup> und erkennen zcu lassen, wer vou uns beiden teilen deme andern die erlichste, billichste und follichste rechtgebott getan habe etc. Ich han uch me geboden und langir, dan ir, als ich meynen, uff dorret nemen<sup>b)</sup>. Darumb hait ir daz mit uwir viantschafft mir zcugeschriben usfluchtig und umwege gesoicht und noch suchte mit der uwere pladerien<sup>c)</sup> und wessilschryft, als mich beduncket; daz stee uch zcu werde. Ir schribent zcu leste, kome ich mit uch vur, in massen uwir brieff usswisse, so sulle ich durch ere und recht wol berichtet werden, wie erlich, rechtlich, nutzbarlich und fruchtbar den landen und myr selbist loebelich ich myn dage herbracht habe etc. Daruff sollit ir wissen, daz ich den landen, ich<sup>d)</sup> billich nutze sin sould, gerne nutz geschafft hette und woil gelidden, daz yn yre frucht wol gedigen were; den ich anders ghonte, den dede ich daz ouch schyn, als verre ich vermoichte und mit eren sulde, *Dan ir sult vurwar wissen, daz ich wye keynen kelich noch missgewant uff eltirduchir mit anderm plonder in keynen kirchen genomen han, als von den die ir mit uch uff nehsten vergangenen dinstag bie Arle in deme*

<sup>a)</sup> plaidieren, vor Gericht sprechen und vorkommen.

<sup>b)</sup> als ihr, wie ich meine, waget anzunehmen.

<sup>c)</sup> Wohl das französische plaidoyer, hier in der Bedeutung von Advokatenkniffen.

<sup>d)</sup> Nach damaligem Sprachgebrauche fehlt das Relativpronomen: denen ich billig nützlich sein sollte.